

Regio.

Nomina, &amp; unde deducta.

Situs.

Cœli qualitas, &amp;

Soli fertilitas.

Animalium varietas.

Imperium Marjorum.

1457  
reus. anno 1498  
cenit 1526

Urbium nomina.

**B**orussiam, ultimę Germaniæ oram a Boruffis populis nomen obtinere, Erasimus Stella authore est. H. teste Ptolemæo, ad Riphæos montes, ubi in Septentrionem fufius excurrunt, nec longe qua Tanais ex eis erumpit, confederunt: & sedium fuarum pertæsi, valida manu, se in hæc loca effudere, & a tuo nomine Borussiam totam regionem dixere, quæ nunc una litera extrita & altera mollius expressa, Prussia dicitur. Borussia a Vistula amne, quem ad Occidentem terminum habet, incipiens, sinumque Maris Baltici qui Septentrionale eius latus ambit, percurrens, ad Ortum *Alanos* habet, ad Meridiem *Hamaxobias*. Aëre fruitur amœno, sed frigidiore. Regio omnis est fecundissima, & finitimis Provinciis longe beavior: Ager Frumenti feracissimus quod Polonicum & Lithuanicum bonitate excellit. Abundat Melle & Apibus æque ut ceteræ regiones Septentrionales. Est in ea quoque Pecorum ingens vis, multa ac copiosa venatio. Ingentes enim vastæque Silvæ multa Ferarum genera alunt. Quæ præter Vrsos, Apros, Cervos, quibus abundant; proferunt Vros excellenti vi & velocitate, vulgo *Bubalos* vocant. Gignunt & Bizontes iubatos, è Boum silvestrium genere. Equos etiam silvestres quorum carne incolæ vescuntur. Gignunt & Alces quos vulgo *Elandes* vocant: ac Ictides vulgo Martes. Vsq; ad tempora Friderici I Imperatoris plerique Borussi Idololatræ fuerunt, quo imperante anno MCCXV Crucigeri Ordinis Teutonici eos vicere, Religionemque Christianam docuere. Postea Provincia & Civitates Borussię anno MCCCXIX Crucigerorum moti avaritia & ferocia, ad Casimirum Poloniæ regem defecerunt. Post annos triginta octo repetita defectione Marieburgum cum aliis castellis & urbibus regi venderunt 476000 florenis. Quum autem Mariani obedientiam Regi recusarent, tandem utrimque vario Marte dimicatum est, donec universus tractus Alberto Brandenburgico ultimo Crucigerorum Magistro cessit, qui etiâ Cracoviæ a Sigismundo Poloniæ Rege Princeps secularis & Eques auratus factus est. Divisam autem fuisse Borussiam tradunt in duodecim Ducatus a Veneduso princeps quorum nomina hæc: *Sudavia, Sambia, Natangia, Nadravia, Slavonia, Bartonia, Galinda, Warmia, Hogerlandia, Culmigeria, Pomesania, & Michlovica*. *Sudavia*, protus a Crucigeris ita vastata est, ut ex nobili Ducatu hodie vix septem pagi, & quidem viles, in Luptaviensi territorio supersint. In *Sambia* sunt Civitates plures, *Lebenicht*, exstructa anno M cclvi: *Kneyback* anno M cclxxx: *Regius Mons* M cclx: *Fischusia* anno M cclxi: *Lechlot* anno M cclxxxix: *Mulmelburgia* anno M cclxxix. In *Natangia*, civitates sunt *Valdonia, Girania, Centia, Creneburga, Heiligenbeil, Fridlandia, Schippenbeilia, Brandenburga*. In *Nadrovica* vix aliquot casæ & tuguriola supersunt: cætera vastata sunt. In *Slavonia* sunt *Ragneta, Tissa, Renum, Liccovia, Salavia, Labia, Tapia, Vintburgia, Christaderder, Baytia, Cestia, Norbertia, Vensdorf, Angenburgeria, & Dringofordia*. In *Bartoniam* sunt *Nordenburga, Jobansburga, Jurgburga, Inserburga, Richtenerder, Bartoniam, & Rhenum*. In *Galindia* sunt *Orteleburgum, Rastenburgum, Neyburgum, Passenhumia, Dreschlovica, Lucica, & Luzenburgia*. In *Warmia* sunt *Ressel, Sreburg, Bischoffstein, Vartenburg, Allensteyn, Melsatia, Helbergia, Wermeditum, & Gustadia*. In *Hogelandia* sunt *Brandenburgum, Tolkiemit, Munhusia, Schorpovia* & omnium maxima *Elbinga*, in littore maris exstructa, splendidis civium opibus & mercatorum frequentia celebris.